



Asiantaeth Trwyddedu
Gyrwyr a Cherbydau

INF291W

Gwasanaethau
Cerbydau

Rhifau cofrestru a phlatiau rhif ôl gerbyd



Sym | Gwell | Diogel

CUSTOMER
SERVICE
EXCELLENCE
RHAGORIAETH MEWN
GWASANAETH
I GWYBHRUAD



BUDDSODDWYR
MEWN POBL

Arian
tan 2019

Cynnwys

Rhifau cofrestru ôl gerbyd

01

Cofrestru ôl
gerbyd -gwybodaeth
gefndirol..... 3

02

Pam bod gennym
rifau cofrestru ôl
gerbyd 3

03

Fformat rhif cofrestru
ôl gerbyd 4

04

Arddangos rhifau
cofrestru ôl gerbyd 4

Platiau rhif ôl cerbyd

05

Sut i gael plât rhif
ôl gerbyd 4

06

Manyleb dyluniad
plât ôl gerbyd 5

07

Ble i arddangos
platiau'r ôl
gerbyd(au) 6

08

Sticeri GB 6

09

Beth i'w wneud os
yw plât cofrestru
eich ôl gerbyd yn
cael ei ddwyn 6

10

Beth os nad
ydych bellach yn
defnyddio'r
ôl gerbyd ar
gyfer teithiau
rhyngwladol 7

11

Beth i'w wneud os
ydych yn gwerthu,
yn cael gwared
ar neu'n
trosglwyddo eich
ôl gerbyd 7

Rhifau cofrestru ôl gerbyd

1 Cofrestru ôl gerbyd – gwybodaeth gefndirol

Yn ôl y gyfraith, mae'n rhaid i rai ôl gerbydau sy'n cael eu defnyddio yn rhyngwladol gael eu cofrestru gydag Asiantaeth Trwyddedu Gyrwyr a Cherbydau (DVLA). Mae hyn yn berthnasol i:

- bob ôl gerbyd defnydd masnachol sy'n pwysu dros 750cg mewn pwysau gros
- pob ôl gerbyd defnydd anfasnachol sy'n pwysu dros 3,500cg mewn pwysau gros.

Dim ond os byddant yn teithio trwy wlad dramor sydd wedi ymuno â Chytundeb Confensiwn Fienna 1968 ar Draffig Ffyrdd yn unig y mae'n rhaid i'r ôl gerbydau hyn gael eu cofrestru. Hyd yma, nid yw Gweriniaeth Iwerddon, Malta, Sbaen na Cyprus wedi ymuno â'r confensiwn hwn.

Unwaith y bydd ôl gerbyd wedi'i gofrestru gyda DVLA, caiff rhif cofrestru unigryw y mae'n rhaid ei arddangos ar yr ôl gerbyd.

Gellir dod o hyd i'r gwasanaeth cofrestru ôl gerbyd yn

www.gov.uk/register-trailer-to-take-abroad

2 Pam bod gennym rifau cofrestru ôl gerbyd

Yn ôl y gyfraith, mae'n rhaid i rai ôl gerbydau arddangos rhif cofrestru unigryw. Mae'r rhifau cofrestru hyn yn ffordd o adnabod ôl gerbydau wedi'u cofrestru yn y DU sy'n cael eu gyrru'n rhyngwladol. Bydd hyn yn helpu i sicrhau hwylustod teithio dramor.

3 Fformat cofrestru ôl gerbyd

Mae fformat rhif cofrestru'r ôl gerbyd yn un llythyren ac yna saith rif, sydd wedi'u nodi ar ddwy linell. Dyma enghraifft:



A123
4567

4 Arddangos rhifau cofrestru ôl gerbyd

Rhaid arddangos rhifau cofrestru ôl gerbyd ar blatiau rif yn gywir fel y nodir yn Rheoliadau Cofrestru Ôl Gerbyd 2018. Mae'r rheoliadau hyn yn llywodraethu sut mae platiau rhif ôl gerbyd yn cael eu dylunio a'u harddangos.

Mae'n drosedd i'r rhif cofrestru gael ei guddio mewn unrhyw ffordd sy'n ei gwneud yn anodd ei ddarllen. Er enghraifft, ni ddylech ddefnyddio bolltau gosod i newid y llythyren neu unrhyw un o'r rhifau. Gall unrhyw un sydd â plât rhif nad yw'n arddangos y rhif cofrestru yn gywir gael dirwy o hyd at £1,000.

5 Platiau rhif ôl gerbyd Sut i gael plât rhif ar gyfer ôl gerbyd

Er mwyn cael plât rhif wedi'i wneud ar gyfer eich ôl gerbyd, rhaid i chi fynd i gyflenwr cofrestredig platiau rhif (RNPS) sy'n cyflenwi platiau rhif ar gyfer ôl gerbydau. Gallwch gael manylion am eich RNPS agosaf yn www.gov.uk/number-plate-supplier

Bydd hefyd angen i chi dangos tystysgrif awdurdodi plât rhif eich ôl gerbyd i'r RNPS. Byddwn yn anfon yr awdurdodiad hwn atoch ar

ôl i chi gwblhau eich cais cofrestru ar-lein, bydd hon yn ddilys am **5 diwrnod**. Pan fyddwch yn derbyn eich tystysgrif gofrestru ôl gerbyd y DU yn y post, gallwch ei ddefnyddio i gael eich platiau rhif.

Bydd angen i'r cyflenwr hefyd weld dogfennau gwreiddiol sy'n profi eich enw a'ch cyfeiriad. Gallwch ddefnyddio un o'r dogfennau adnabod canlynol:

- trwydded yrru
- bil cyfleustodau, Treth Cyngor neu ardrethi o'r chwe mis diwethaf
- cyfriflen banc neu gymdeithas adeiladu o'r chwe mis diwethaf
- cerdyn hunaniaeth genedlaethol.

Bydd y canlynol yn cadarnhau eich enw yn unig:

- pasbort – nid oes rhaid ei gyhoeddi yn y DU
- cerdyn debyd neu gredyd banc neu gymdeithas adeiladu
- cerdyn gwarant yr heddlu
- cerdyn hunaniaeth y lluoedd arfog.

6 Manyleb dyluniad plât ôl gerbyd

Mae plât cofrestru ôl gerbyd yr un siâp â'r plât cerbyd safonol ar gyfer beic modur a rhaid iddo gael cymeriadau du solet (y llythyren a'r rhifau) ar gefndir gwyn. Ni ddylai'r cymeriadau ac arwyneb y plât gynnwys unrhyw ddyluniadau, patrymau na gweadau. Hefyd:

- rhaid i gymeriadau fod yn 64mm tal
- rhaid i gymeriadau (ac eithrio'r rhif '1' neu'r llythyren 'l') fod yn 44mm o led.
- rhaid i'r rhif '1' a'r llythyren 'l' fod yn 10mm o led
- rhaid i strôc y cymeriad (trwch y print du) fod yn 10mm o led
- rhaid i'r gofod rhwng y cymeriadau fod yn 10mm

- rhaid i'r gofod fertigol rhwng pob rhes o gymeriadau fod yn 5mm
- rhaid i led yr ymyl rhwng frig y plât ac unrhyw un o'r cymeriadau fod o leiaf 5mm
- rhaid i led yr ymyl rhwng gwaelod y plât ac unrhyw un o'r cymeriadau fod o leiaf 13mm.

Rhaid i'r cymeriadau fod mewn ffont safonol (arddull y llythrennau), er enghraifft:

**ABCDEFGHIJ
KLMNOPQRST
UVWXYZ
1234567890**

Rhaid i'r plât rhif ddangos y rhif cofrestru a gwneuthurwr y plât neu fanylion y cyflenwr yn unig (er enghraifft, enw, nod masnach neu ffordd arall o adnabod gwneuthurwr neu gyflenwr y plât).

7 Ble i arddangos platiau cofrestru'r ôl gerbyd

Rhaid arddangos plât cofrestru'r ôl gerbyd ar gefn yr ôl gerbyd mewn safle gweladwy a fertigol. Mae'n rhaid ei arddangos yn ogystal â rhif cofrestru'r cerbyd sy'n ei dynnu ac mae'n rhaid ei osod mor bell ag y bo'n rhesymol bosibl o'r plât hwn.

Os nad oes modd arddangos plât ar gefn yr ôl gerbyd, rhaid gosod plât cofrestru'r ôl gerbyd ar ddwy ochr yr ôl gerbyd fel bod y ddau ohonynt i'w gweld yn glir.

8 Sticeri GB

Yn ogystal â plât cofrestru'r ôl gerbyd, efallai y bydd rhai gwledydd dramor hefyd yn mynnu bod sticer GB yn cael ei arddangos ar yr ôl gerbyd. I osgoi unrhyw risg o gamau gorfodi dramor, argymhellir eich bod yn arddangos sticer GB.

Ni ddylid arddangos y sticer ar blât cofrestru'r ôl gerbyd. Dylai hwn fod yn sticer neu arwydd ar wahân wrth ymyl plât yr ôl gerbyd.

9 Beth i'w wneud os yw plât cofrestru'r ôl gerbyd yn cael ei ddwyn

Os yw eich plât yn cael ei ddwyn, dylech ddweud wrth yr heddlu fel y gallent gynnal ymchwiliad.

10 Os nad ydych bellach yn defnyddio'r ôl gerbyd ar gyfer teithiau rhyngwladol

Os nad ydych bellach yn defnyddio'ch ôl gerbyd ar gyfer teithio rhyngwladol, dylech ddefnyddio'r gwasanaeth ar-lein i ddweud wrth DVLA. Mae hyn oherwydd nid yw'r cynllun yn berthnasol i ôl gerbydau a ddefnyddir yn y DU yn unig. Dylech hefyd tynnu plât cofrestru'r ôl gerbyd oddi ar yr ôl gerbyd ar ôl i chi hysbysu DVLA.

11 Beth i'w wneud os ydych yn gwerthu, yn cael gwared ar neu'n trosglwyddo eich ôl gerbyd

Os nad ydych chi bellach yn geidwad ôl gerbyd cofrestredig, mae'n rhaid i chi ddweud wrth DVLA trwy'r gwasanaeth ar-lein. Dylech hefyd dynnu plât cofrestru'r ôl gerbyd oddi ar y cerbyd, ond rhaid i chi ddweud wrth unrhyw geidwad newydd beth yw'r rhif cofrestru. Mae hyn rhag ofn eu bod yn dymuno cofrestru fel ceidwad yr ôl gerbyd fel y gallent ei ddefnyddio'n rhyngwladol yn y dyfodol.

Trethwch ef neu byddwch yn ei golli

Rydym wastad yn llwyddo
i ddod o hyd i gar heb dreth.

Trethwch nawr yn gov.uk/treth-car

Gwasanaethau Cerbydau

Rhifau cofrestru a phlatiau
rhif ôl gerbyd

DVLA
Longview Road
Treforys
Abertawe
SA6 7JL

gov.uk/dvla